

# Stáhtaráđi ášahus

## guollebivddus Deanu čázádaga oalgečázádagain jagi 2022

Stáhtaráđi mearrádusa mielde mearriduvvo guolástanlága (379/2015) 46 § 3 momeantta, 48 § 3 momeantta ja 52 § 2 momeantta sihke guollebivddus Deanu čázádagas Norggain dahkkojuvvon soahpamuša láhkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 § 3 momeantta vuodul:

### 1 §

#### *Guoskadanviidodat*

Dán ášahusas mearriduvvo eará guliid go luosa bivddus čuovvovaš Deanu čázádaga luossagoarggunviidodagain:

- 1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjedoržži rádjái, Luossajohka Luossajávri rádjái, Morešveaijohka njeallje kilometera bajás luoitinsajis Badje-Buolbmátjoga rádjái sihke Skihpajohka vuosttaš luobbala rádjái;
- 2) Veahčajohka Veahčajávri rádjái ja Váišjohka Váišluobbala rádjái;
- 3) Ohcejohka Mierašjávri rádjái, Čarsejohka Linjinhjalmmis 10 kilometera bajás ja Geavvu Fiellogáhjoga njálmmi rádjái;
- 4) Goahppelašjohka Birkehjalmmi rádjái, Birkehjohka Badjedoržži rádjái sihke Goaskinjohka Goaskinjávri rádjái;
- 5) Njiljohka 13 kilometera nuppi juovahatgietti rádjái;
- 6) Áhkojohka goržži rádjái;
- 7) Gáregasjohka vihtta kilometera Luopmošjinhjalmmis bajás.

Guollebivdui 1 momeanttas namuhuvvon viidodagain guoskaduvvo dasa lassin luossabivddu mearreáigásaš giieldimis Deanu čázádagas addojuvvon láhka (342/2023) sihke guollebivddus addojuvvon stáhtaráđi ášahus (1360/2015) dakko buohta go dán ášahusas ii nuppe láchkái mearriduvvo.

### 2 §

#### *Guollebivddus lobálaš bivdoneavvut*

Guollebivdu lea lobálaš dušše čuovvovaš bivdoneavvuiguin ja -vugiiguin:

- 1) njáŋggofierbmi Ohcejoga, Veahčajoga ja Buolbmátjoga čázadagas;
- 2) stággu ja vuogga;
- 3) guollehehkke guoika- ja rávdnjeviidodagaid olggobealde;
- 4) njáhkároahkki jieŋa alde bivddedettiin.

### 3 §

#### *Guollebivddu gielddusviidodagat*

Bivdu lea gildojuvvon čuovvovaš viidodagain:

- 1) Badje-Buolbmátjohka oalgejogaidisguin;
- 2) Gálddašjohka johkanjálmmi ja Gálddašjohka Luovosvárjohnjálmmi rádjái, mielde lea maid Gálddašluoppal;
- 3) Ohcejohka johkanjálmmi rájes gitta Ohcejoga ja Njuorggáma gaskasaš eatnangeainnu šalddi rádjái; sihke
- 4) Čársejohka vuollegoržžis 60 mehtera mátkkis goržži niskkis vulos guvlui.

### 4 §

#### *Almmolaš vahkkoráfáidahttin*

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotnabeaivvis diibmu 19 rájes gitta vuossárgga diibmu 19 rádjái earret guollebivddu jávriin 200 mehtera duohken joga oivošis dahje njálmmis.

### 5 §

#### *Guollebivdoáigodat stákkuin ja vuokkain*

Stákkuin ja vuokkain lea lohpi bivdit Buolbmátjoga, Veahčajoga ja Ohcejoga čázadagain geassemánu 1. beaivvi rájes gitta borgemánu 31. beaivvi rádjái.

Eará go 1 momeanttas dárkkuhuvvon čázadagain stákkuin ja vuokkain lea lobálaš bivdit geassemánu 1 beaivvi rájes gitta borgemánu 20. beaivvi rádjái.

### 6 §

#### *Ráddjehusat mat gusket seavtti ja áŋkorbivdosiid*

Seaktin ii oaččo geavahuvvot reahka, guolli iige máhtu.

Njáhkároahki geavahus lea lobálaš dušše go njáhká bivdojuvvo jieŋa alde. Deanu čázadagas váldojuvvon jápmán seakteguoli geavahus lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.

Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

## 7 §

### *Veahkkeneavvu mii geavahuvvo stággobivddus*

Bivosii darvában guoli loktemis gáddái oažžu veahkkeneavvun geavahit dušše hoava.

## 8 §

### *Gildojuvvon stággobivdinduovdagat*

Stággoguollebivdu lea gildojuvvon

- 1) 10 mehtera lagabus njáŋggofierpmi;
- 2) šalddi alde;
- 3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus sihke Gálddašjoga ja Badje-Buolbmátjávrris njálmmis Buolbmátjávrris.

## 9 §

### *Godđojuvvon bivdosiid geavahanmeari ráddjehus*

Guollebivddus lea lohpi geavahit ovttaáigásaččat eanemustá vihtta njáŋggofierpmi giddodaga guovdu.

## 10 §

### *Guollebivdináigi njáŋggofierpmiin*

Guollebivdu njáŋggofirmiin lea lobálaš johkaossodagain jieŋaid vuolgima rájes gitta geassemánu 20 beaivvi rádjái sihke borgemánu 1 beaivvi rájes gitta 31 beaivvi rádjái. Guollebivdu lea lobálaš oppa jagi jávriin guhkkelis go 200 mehtera geahčen joga oivošis dahje njálmmis.

#### 11 §

##### *Fanasbivdu*

Guollebivdu ja guollebivdobiergasiid suhppen fatnasis go mohtor manná sihke rávdnjái dasanaga áŋkorastojuvvon fatnasis lea gildojuvvon.

#### 12 §

##### *Bivdosiid merken*

Bivdinláhkái biddjojuvvon njáŋggofierpmit fertejit merkejuvvot čielgasit nu, ahte čázadagain johttit fuobmájit daid. Bivdosat fertejit merkejuvvot uhcimustá 15 sentimehtera čázeoaivvi bajábeallai olli govddohagain dahje uhcimustá 40 sentimehtera čázeoaivvi bajábeallai olli stággui giddejuvvon láhpuin, man oaneheamos siiddu guhkkodat leat uhcimustá 15 sentimehtera.

Bivdosiidda fertejit merkejuvvot bivdosa biddji namma ja oktavohtadieđut sihke dan giddodaga namma, masa bivdovuogatuhtu gullá. Njáŋggofierbmái mearka giddejuvvon bivdosa geahčái giddejuvvon govddohakkii, mii oidno álkit.

#### 13 §

##### *Bivdu fierbmebivdosiiguin*

Njáŋggofierbmi, mii geavahuvvo guollebivddus, oažžu leat eanemustá 3 mehtera allosaš bodnefierbmi, mas lea fierbmečoalli ovttain vuovssain seahka haga ja mii lea válmmaštuvvon nylonláiggis, mas lea okta sáiggar, ja man assodat oažžu lea eanemustá 0,20 millimehtera. Fierpmi allodat ii oaččo leat stuorát go čázi čiknodat guollebivdinsajis.

Njáŋggofirmiin guolástettiin ii oaččo geavahuvvot dahkurávdnesuodji iige vuojahatfierbmi.

Njáŋggofierpmi galljodat ferte leat uhcimustá 29 millimehtera ja dat oažžu leat eanemustá 40 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njággofierpmit ožžot leat alibut go 3 mehtera ja reaskábivddus lea lohpi geavahit firpmiid, maid galljodat leat uhcimustá 17 millimehtera. Čakčamánu 1 beivvi rájes gitta cuojománu 30 beivvi rádjái ovdal namuhuvvon viidodagain fierpmit sáhttet geavahuvvot čázeoaifierbmin. Firpmiid galljodat galgá dalle leat unnimustá 18 millimehtera ja dat oažžu leat eanemustá 50 millimehtera.

#### 14 §

##### *Guollefávli ja bivdosiid gaskkat*

Guollefávli lea goalmmás fávleallodaga mielde joga, nuori dahje boatkka govdodagas dan čiekŋaleamos sajis. Njággofierpmi mihkkege osiid ii oáččo ollit váldo- dahje siidorokki guollefávli rádjái. Bivdosiid olggumus oassi ii oáččo ollit gokkoge 10 mehtera lagabui buohtalas gátti, iige rokki sulluid, lássáid ja gárguid, maid gaskii bohtet iežaset rokkit.

Bivdima várás biddjon njággofierpmit eai oáččo leat gokkoge 60 mehtera lagabus nubbi nuppi.

#### 15 §

##### *Fierbmebivddu gielddusviidodagat*

Njággofierbmi ii oáččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus iige Gálddašjoga ja Badje-Buolbmátjoga njálmmis.

#### 16 §

##### *Sálašalmmuhus registarii*

Guollebivdi lea geatnegahtton doallat sálašbeaivegirjji šleadgahámis dahje báhpára alde. Guollebivdi ferte maid almmuhit guollebivddus Deanu čázádagas Norggain dahkkon soahpamuša lánkaásaheami suorggi mearrádušaid fápmuibidjamis ja guoskadeamis addojuvvon lága (176/2017) 7 §:s dárkkuhuvvon Deanu šleadgasálašregistarii juohke bivdojuvvon luosas, dápmogis, ruoššaluosas ja girjeluosas čuovvovaš dieđuid, fuolakeahtá das, leago guolli luitojuvvon vai goddojuvvon sálašin:

- 1) joga dahje jávrris, gos guolli lea bivdojuvvon;
- 2) bivdobeavemeari;
- 3) guoli sohka beali, deattu ja guhkkodaga;
- 4) luitojuvvon guliid meari šlájaid guovdu;
- 5) bivdoneavvu.

Luitojuvvon guoli sohkahealli, deaddu ja guhkkodat ii goittotge dárbbas almmuhuvvot.

Sállasa haga báhcán bivdi ferte almmuhit 1 momeanta 1, 2 ja 5 čuoggáin dárkkuhuvvon dieđuid.

Sállasat fertejit almmuhuvvot ovdal čakčamánu 1 beaivvi. Almmuhussii galgá gullat guđege bivdojuvvon šlája ollesdeaddu sierra šlájaide sierranastima mielde.

Bivdolobiid luohpadeaddji geatnegasvuodas ordnet guolásteaddjái beassama šleađgasálašregistarii mearriduvvo guollebivddus Deanu čázadagas Norggain dahkkon soahpamuša lánkaásaheami suorggi mearrádusaid fápmuibidjamis ja guoskadeamis addojuvvon lága 8 §:s.

## 17 §

### *Fápmuiboahhtin*

Dát ásahus boahhtá fápmui miessemánu xx beaivve 2023 ja lea fámus juovlamánu 31 beaivvi rádjái 2023.

Helssegis xx.xx.2023

Eanan- ja meahccedoalloministtar Antti Kurvinen

Ráđđádalli virgeolmmoš Tapio Hakaste